



# DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrono.

## QUÆSTIO MEDICA\*,

QUOD LIBETARIIS DISPUTATIONIBUS  
manè discutienda in Scholis Medicorum, die Jovis decimâ Septimâ  
mensis Novembris, anno Domini M. DCC. LXXXV.

D. HENRICO MICHAËLE MISSA, Regii Medicorum Collegii  
Nanceianorum Socio Honorario, antiquo Regis Exercituum in Germaniâ  
Medico ordinario, Censore Regio, Academia Catalaunensis Socio,  
Doctore Medico, Præside.

*An Hydropi Venæ Sectio?*

I.

**H**UMANUM corpus liquidis componitur & solidis, quæ inter  
datur æquilibrium. Sanitas stat alterno, continuo pessundatur. In  
hoc quasi immobile corpus ab omni ferè cessat functione. In illo liquida  
movent & vincunt solida, & à solidis suâ vice moventur, vincuntur. A  
liquidis dilatantur vasa, dilatata se se constringunt, sicque liquida urgent,  
impellunt. Hinc perennis liquidorum in corpore circuitio, ipsorum su-

\* Propugnavit, anno 1714, JACQUES BAILLY, Alexio LITTÆ, Præside.



bactio; elaboratio jugis; continua in singulas partes distributio; indefinens percolatio excrementorum; & optata cunctarum partium nutritio, incrementum. Omnium quibus vivimus partium nullæ nutritiis ferè pretiosiores. Ut illarum laudabilem constitutionem sanitas sequitur; sic earumdem vitiosam mille ægritudines. Hinc cæterarum totius corporis partium morbi à pravis & excrementitiis partium nutritiarum humoribus ducunt originem, quos inter hydropem recense, morbum curatu difficilem, & magno sæpè periculo plenum.

## I I.

**H**YDROPEM voca serosi humoris in quavis corporis parte collectionem. Pro vario humoris collecti situ, varia sortitur nomina. Si totum corpus occupat, Leucophlegmatia, vel Anasarca nuncupatur; Hydrocephalus, si caput; si pectus, ipsius pectoris hydrops; Ascites, si abdomen; si scrotum, hydrocele. Quòd si flatibus distendatur abdomen, adeò ut percussus tympani sonum edat, Tympanites appellatur: hæcque inter hydropes improprie ab Autoribus adnumeratur. Communis omnibus causa subest, frustratum apparandi, conficiendi, vel repurgandi sanguinis opus; undè viscerum penè omnium infarctus, ex quo feri à sanguine separatio, ejusque aliquà in parte collectio. Aliam incassum inquisiveris causam præter vitiosam sanguinis constitutionem, laxatumque, vel renitentem solidarum partium elaterem. Vis igitur hydropem sanare præsentem, imminentem præcavere: talia adhibeas remedia quæ liquorum motum promovere, solidorum elaterem firmiorem laxare, laxiorem verò firmare valeant.

## I I I.

**T**ANTA requiritur solidorum, & fluidorum necessitudo, & convenientia, ut mirum non sit cur uno deficiente alterum deficiat. Sanguis spirituosus ille liquor ab indole genuinâ desciscens, corruptâ subhinc onustus saburrâ, lento pede vasa dum permeat, quodcumque malum invehere potest. Quidni! & hydropem accersere. Quocumque enim pergit, funestam itineris notam inurit. Præ suâ malâ diathesi innumeris cum scateat impuritatibus, viscidiores, & crassiores ipsius partes liberam circuitûs viam liquoribus præcludunt. Hæ paulatim aggeruntur, & aggestæ, vasa quàm plurimis infarciunt obstructionibus. Undè hærens in circuitu sanguis, novusque semper appellens, vasorum distendit tunicas, earumque magis ac magis dilatat meatus. Hi sensim ac sensim dilatati ferum effluere sinunt. Id experiëntiâ confirmari videtur. Ligatâ siquidem canis venâ infra præcordia, abdomen quasi ascite laboraret, humore aqueo brevè repletum observatur. Tunicæ quoque Lympharicorum cum tunicis



Venarum sint longè tenuiores, feri effusioni ac collectioni ansam præbere possunt, suorum pororum dilatatione, sed & præterea suâ rptione. Rem experientia probat, extracti scilicet humoris igni admoti albuminis ovi consistentiam acquirentis indagine. Tandem sanguis crassus aut viscidus glandulas difficilè permeans in iis sensim colligitur, stagnat, eas intumefacit, ipsarumque excretorios ductus distendit, amplificat. Hinc feri à sanguine uberior secretio, ejusdemque feri è vasis effusio, ac tandem hydropis generatio. Quamobrem proprio vehiculo orbarus sanguis, partes ægrè pervadit, hisque nutritium vix impertitur succum; undè universi corporis macies, siccitas, debilitas.

## I V.

**M**AGNORUM morborum aut ingruentium, aut jam sævientium, præstans remedium est Venæ sectio, còque præstantius excellentiusque, quò tutiori expeditiorique viâ omnia fere corporis vitia rescindit. Hac datâ portâ luxurians toto corpore sanguis convenienter emittitur. Ocyùs ardentem materiem subtrahe, carbones remove, spontè restinguetur incendium. Idem celebratâ Venæ sectione corporis humani humoribus evenit. Eductâ quippe sanguinis propriè dicti parte, minor fermentationi, effervescentiæ, obstructioni, infarctui, &c. datur locus. Restitutâ circuitiōis celeritate, quanti quanti sunt humores, eandem choream sequi coguntur. In hydropo vires opprimit ac veluti vinctas tenet crassus & viscidus humor viscerum ergastulis coercitus (cujus sub pondere fatiscit corpus) systalticus dilatationis & constrictionis vasorum motus depravatur: ipsorum fibræ motrices fungi officio ferè inhabiles evadunt, sed incisâ venâ non rarò aperitur ad magnam libertatem via, & temporis puncto spes salutis affulget.

## V.

**H**YDROPI ita necessaria est Venæ sectio, ut nefas sit illam omittere. Revèra præcipuus curationis cårdo positus est in fibrarum elatere, & liquorum fluxilitate restituendis; ut vinci possit & superari sanguinis impedimentum; ut pertinaces tollantur obstructiones, sanguinis circuitus feliciter peragatur, ac tandem functiones in pristinum statum reducantur. Hæc omnia idoneâ sanguinis missione assequeris. Nec est quod objiciant nonnulli in hydropo venam secare idem esse ac jugulare. Redundans (quis crederet?) sanguis id efficit sæpissimè. Qui hoc morbo laborarunt, ferè omnes ore, naribus, &c. sanguinem emisere. Succedit plerumque catameniis & hæmorrhoidibus suppressis. Denique sanguinis grumos ac concretiones in hydropicorum cadavere reperire nihil usitatus. His omnibus cùm sanandis, cùm præcavendis congruum Venæ



4

sectio remedium. Præterea eadem Venæ sectione impurius circa viscera  
restagnans, & evasata illuvies vasa denuò subit, cum sanguine foras  
exitura, vel transcolanda per glandulas, vel per cutis meatus tandem  
vacuanda. Dolores insuper sedat Venæ sectio, corpus erigit pondere  
gravatum; erectum, alacrius expeditiusque reddit ad omnis generis  
functiones obeundas.

*Ergo hydropi Venæ sectio.*

*Propugnantis annotatio.* Inclyti Doctoris LITTRE Propositio quàm sensum  
includat nimis generalem, videtur nobis distinguenda hydrops à dissolutione  
sanguinis ortum ducens, quæquidem phlebotomiæ adversatur, ab eâ quam  
efficiunt spasmus, plethora & erethismus; ubi Littrii sententiæ adstipulamur.

DOMINI DOCTORES DISPUTATURI.

*M. Ludovicus - Cyprianus*  
*DE MONTAIGU.*

*M. Nicolaus - Franciscus*  
*LAVERNE.*

*M. Antonius - Joannes-*  
*Baptista-Maclovius GUE-*  
*NET.*

*M. Philippus PETIT-*  
*RADEL.*

*M. Petrus PUJO.*

*M. Paulus - Gabriel LE*  
*PREUX.*

*M. Renatus LOUCHE*  
*DESFONTAINES.*

*M. Antonius - Josephus-*  
*Victor LENDORMY-LAU-*  
*COUR.*

*M. Ludovicus - Claudius*  
*GUILBERT, à Societate*  
*Medicæ Edimburgensi, an-*  
*tiquus Regis Exercituum*  
*Medicus ordinarius.*

Proponebat Parisiis FRANCISCUS - GASPARDUS DIDERON, Valentinus in  
Delphinatu, Doctor Medicus Valentinenfis, nec-non Saluberrimæ, Facultatis  
Medicinæ Parisiensis Baccalaureus, A. R. S. H. 1785.

AB OCTAVA AD MERIDIEM.

BIU Santé  
Médecine  
Paris

Typis QUILLAV, Saluberrimæ Facultatis, Medicinæ Parisiensis Typographi,